



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Præco Mastigophilvs. Das ist: Jacob Heilbronners
Prædicanten zu Newburg an der Donaw grosse Liebe/
vnnd jnbrünstige Andacht gegen der Zucht/ Disciplin/
vnnd allerley Leibscasteyung**

Gretser, Jacob

Ingolstadii, 1608

Vonn der grausamen Disciplin die Luther zu Wittenberg gemacht/ Anno
Domini M. D. XL.

urn:nbn:de:hbz:466:1-32925

Vonn der grausamen Disciplin die Luther zu Wittenberg gemacht / Anno Domini M. D. XL.

Luther. in
Colloq.
Francof.
1571. fol.
445. a.

Inno 1540. Hat Doctor Luther eine Col-
lation angerichtet / darzu er die Fürnem-
sten der Vniuersitet geladen / darunder ist
auch M. Eisleben gewesen / von welches wegen
dann solches angefangen worden. Da man nun
hatte gegessen / vnd jederman frölich gewest / da
ließ im D. M. Luther ein Glas reichen / welches
drey Käyffen hette / dasselbige bracht vnd trand
er mit Wein den Besten zu / vnd als sie hatten alle
bescheid gethon / da kam die Keyhe auch an M.
Eisleben / dem selben zeigte D. Mart. das Glas
vnd sprach : Magister Eisleben lieber / ich gebe
 euch diß Glas mit Wein / bis an den ersten Käyff
 die zehen Gebott : an den andern den Glauben :
 an den dritten das Vatter vnser / des Catechismi
 gar auß / wie er das gesagt / trand er D. M. Lu-
 ther das Glas gar auß vnd ließ es wider voll
 schencken / vnd gabs M. Eisleben / vnd der selbi-
 ge da er das gemalte Glas empfieng / vnd anhub
 zu trincken / war es ihm vnmüglich / das er vber
 den ersten Käyff hette trincken können / setz der
 halben das Glas nider / vnd hâte darnach ein
 Grewel dasselbige anzusehen. Da sagte D. M.
 Luther. Ich wüßte es vorhin wol / das M. Eise-
 leben die zehen Gebott sauffen köndte / aber den
Glas

Glauben/Vatter vnser vnd Catechismum wurde er wol zu friden lassen. Dann er hat auch die Antinomiam angerichtet / daß man das Gesetz auß der Kirchen auffß Rathhaus thun wurde. Darbey ist M. Johann Spangenberg / Pfarrherr zu Northausen / gewesen / als sich diß in D. M. Luthers Hause hat zugetragen / vñnd hat auch solche Geschicht in seine Bibel verzeichnet gehabt.

Da hastu deines Luthers erschrocklich Disciplin / vñ erzitterlichen ὑποπαισµόν, mit einẽ großmechtige Glä: dergleichen Disciplin weder Dominicus Loricatus / noch Henricus Suso / wenn sie noch so kühne Helden weren gewesen jemaln außgestanden. Dann weder von einem / noch dem anderen gelesen wirdt / daß sie sich mit so grossen / hohen / mächtigen / vñnd wolfassenden Glä: fern gegeißelt haben / vñnd zwar so streng vñnd erschrocklich / daß W. Johannes Eisleben gleich im ersten Ansatz vñnd Versuch / ob ers nach zuthun vermöchte / von Herzen erschrocken / vñnd ein solch Abschew empfunden / daß er dise großbauchete Disciplin nicht mehr hat mögen ansehen / also das Luther selber bekennet ihme Eisleben sey vnmöglich gewesen / disen Puffer auß zu sauffen / vñnd beschaid zuthun. Bey dem leichtlich abzunemmen / was der Luther / vñnd Kändl / vñnd Bacchus für mechtige Helden vñnd Kämpfer müssen gewesen seyn / denen so gar ab diser Disciplin nichts grauset hat. Gehe nun hin du Petre Damiane / vñnd prang morgen mehr mit deinem Dominico Loricato. Vñnd du Suso / Kom morgen wider mit deinem Creutz: Was sollen dise Creutz / dise

Banger / die Geißlen / Ketten / Ruthen / Strick / Disciplinen / Knopffere Gürteln / vnd Harckleyder / 2c. gegen diesem dryknopfferen Glas seyn? Fort / fort / immer fort / auch mit dir / du heiliger Apostel / du heiliger Paule mit deinen ὑπωπιᾶστω τὸ σῶμά μου. Da heiliger Paule / da Suso / da Loricare / da stehet herbey / da erhebt ewere Augen / da schaut zu vnd lernet vom Luther vnd Rändl wie man den Leib vnd das Fleisch solle mores lehren / vnd mit guten grossen / hohen / vnd dreyräffigen Weingläsern / Knackwürfften / Schuncken / vnd was zur Schlemmercy gehörig / casteyen / vnd auffmerglen vnd däßig machen soll. Kinderwerck ist mit eweren ὑπωπιᾶσμοις, mit eweren Geißlen / vnd Disciplinen / wenn mans gegen diesem Lutherischen Tröster vnd Willkomb vergleichen wil.

Diß sey diß Orths genug von des Luthers Disciplin vnd ὑπωπιᾶσµῶ. Sonst wurde es schlechter Mühe bedürffen / wenn einer das kleine erste vnd andere auffgangne Lutherische Disciplin Büchlen vnserem Rändl zugefallen / gemert vnd gebessert wolte gen Warck richten / weil in des Luthers Büchern vnd Groslen des Dings voll auff zu finden. Beneben aber ist wol in acht zunehmen / was Luther für ein starcker Jäger vnd Disciplinmacher müsse gewesen seyn / welcher / nach dem er sich mit diesem grossen vnd mechtigen Weinglas so oft gegeißelt / als oft er solches seinen Gessten jedem Insonderheit gebracht vnd zugetruncken / vnd inen her wider jederzeit redlich Beschayd gethon / vnd dannoch allezeit darbey wacker / wolmütig / vnd bereit gewesen / noch mehr vnd newe ὑπωπιᾶσµῶ auff sich zunehmen / vnd

vnd mit Gedult aufzu stehn / also daß er gleichsam mit dem Susone vnd Dominico Loricato allem Ansehen nach vmb den Sig vnd Palmen kämpfen wöllen.

CAPVT XV.

Außstöberung des Ploberwercks / vnnnd unnützen Geschwäß / so der Zuchthässige Rändl außgefeimbt wider das eylffte Capitel des ersten Buchs von den Disciplinen.

In diesem Capite hab ich angezeigt vnd erweisen / daß die Castigation durch das Disciplinieren recht vnnnd zulässig sey / auß dem Exempel derjenigen / welche zu Zämung des Fleischs / vnnnd zu ablösung ihrer begangnen Missethaten / von anderen haben wöllen geschlagen / oder gezeiselt werden. Vnder welche der H. Anno / Erzbischoff zu Coln der erste gewesen: von dem ich drey Stuck fürgebracht. Erstlich: daß er selber im Brauch gehabt / solche Streych vnd Schläg von anderen ein zu nehmen / vnd zu empfangen. Das ander / wie er vmb Nachlässigkeit willen in Verehrung der Martyrer / in einer ekstasi oder Verzückung des Gemüts / mit grausamen Streychen hergenommen worden. Zum dritten. Das HENRICVS der Römische König / auß Beuelch vnd Geheiß Annonis, eben diese Castigation habe außgestanden.

Auff dz erste hat der Predicant nicht dz er antworte noch einbrocke / als allein daß er wider Annonem mit gewöhnlichen Schmach vnd Lasterworten zu wirffe: Welche abzufertigen / vnnnd außzustöbern / ich nichts
anders